
MINISTERUL EDUCAȚIEI
OLIMPIADA NAȚIONALĂ DE LIMBA RROMANI
ETAPA JUDEȚEANĂ
18 MARTIE 2023
ANUL VII DE STUDIU - LICEU

- Savorre subijèktură si musajutne.
- Den pen ivăṭe 10 pùnttură.
- E butăqo vaxt si 3 òre.

O JEKHTO SUBIJÈKTO

32 pùnttură

DEL PES O TÈKSTO

Arăt, dikhlòm k-o televizòro thaj p-o internèto so
Palal nište manuša vakărel pes amenqe vareso:
Ke von ziven and-e savorre lumjaqe thema,
Kaj but anglal avile andar i purani India.

Len na-i len jekh them, na bešen khethanes an-jekh than,
Kana avelas len jekh, lesqo anav avelas „Rromanothan”!
Kathe zivenas lošale: kăldărără, ričinără, xoraxane rroma,
Sinti, lovără vi savorre prinzarde rromane nămură.

Vi kana kadava them avelas but tikno,
An` lesṭe, le rromenqo gi ovelas užo vi baro.
Savorre lumjaqe rroma si sar nište phrala!
Von ziven khethanes sar but laṭhe amala!

O Laṭho Devel mukhlăs amen kadja:
Te phiras p-e droma andar i savorri lùmja,
Te kamas te bešas telal o *ćerxenărdo ćero*,
P-i zèleno ćar thaj pa-o zinzardo *kimpo*.

Si manuša save *mothon* so sam ćora vi khanile,
Von na prinzaren ke ame sam but pakivale!
Sam butărne thaj keras but šukar bută,
Kamas te na bistaras amari purani tradicia.

Žanas te das pakiv le phuren thaj le manušen
Sar sikaven e valòre andar o RROMANIPEN.
Rugisaras amen le Devlesqe t-ovas godăver vi BAXTALE,
And-jekh ćaço PHRALIPEN te avas PAKIVALE!

Rromalen, kaj aresle šerale vi bare manuša!
Te na bistren te maren tumen vaš amare ćorre rroma!
O Del te del tumenqe baxt, zor thaj but godi,
Te vastdel tumenqe an` tumari importànto buti!

Tume kaj san *simplo*, pakivale thaj baxtale rroma,
Ašunen so phenav tumenqe mirre kuć phrala:
Aven te keras nùmaj bută save si šukar vi laṭhe,
Te sikavas ke ame na sam „ćora, nasul vi khanile”!

Te avas barikane ke sam baxtale, loşale vi godăver rroma
 Kaj si amen jekh purani éhib kaj şukar vakăras la!
 O Svûnto Devel te del tumenqe baxt thaj te avel amença,
 Tiknorrença, ternença, phurença vi savorre amare amalença!

(Kon sam ame? – palal o Jonel Kordovan)

1. Xramosaren and-e 5-6 rëndură palal so vakărel pes and-o dino təksto! **6 pùunktură**
2. Arakhen e sinonimură vaş e alava: *kîmpo, mothol, zinzardo, vastdel*. **4 pùunktură**
3. Roden thaj xramosaren, andar o dino təksto, trin zuvlikane navnă/ substantivură! Xramosaren savo si lenqo kèzo. **6 pùunktură**
4. Roden thaj xramosaren, andar dino təksto, ştar alava and-e save si phurdine grùpură! Sikaven sode silàbe si and-e kadala alava! **4 pùunktură**
5. Roden thaj xramosaren andar o dino təksto trin rromane adžektivură/ paşnavnă! Xramosaren save substantivură determinisaren von. **6 pùunktură**
6. Roden thaj xramosaren andar o dino təksto trin kernavnă/ vèrbură save si ka-o konzunktivo mòdo. Xramosaren k-e savo zeno si von. **6 pùunktură**

O DUJTO SUBIJÈKTO

58 pùunktură

1. Ambolden gazikanes o təksto dino maj opre! **18 pùunktură**
2. Xramosaren e fòrme e relativone pronombrosqe/ sarnavnăqe „kon” ka-e savorre kèzură! **6 pùunktură**
3. Nakhaven i kernavni/ o vèrbo „sovel” ka-o sintetikano nakhlo vaxt thaj ka-o po but sar perfèkto! **12 pùunktură**
4. Ambolden and-i rromani éhib! **12 pùunktură**
 - a) În anul două mii douăzeci şi doi, în oraşul Alba Iulia, s-a ținut a douăzecea şi una ediție a Olimpiadei Naționale de Limba Rromani.
 - b) Oraşul Cluj Napoca este un oraş foarte vechi care are o importanță istorică pentru poporul român.
 - c) Sunt foarte mândru că studiez limba rromnai şi că am reuşit să particip, alături de alți elevi rromi, la acest important concurs şcolar.
 - d) După absolvirea liceului, aş dori să urmez cursurile facultății de litere. Mi-aş dori să devin profesor de limba engleză şi de limba rromani.
5. Keren jekh xramosaripen, and-e 15-20 rëndură, palal i tème: „Sosθar si importànto te prinžaras amari història?”. And-o tumaro xramosaripen dikhena: **10 pùunktură**

O ander/ o koncinùto le xramosaripnasqo – 6 pùunktură

- Xramosaresa palal jekh-duj evenimèmntură andar e rromenqi història. **2 pùunktură**
- Sar d-aşti/şaj te keras prinžardi e rromenqi història. **2 pùunktură**
- Xramosaresa aver godă/ argumèntură vaş kadaja tème. **2 pùunktură**

O organizisaripen thaj o prezentisaripen e godănqo – 2 pùunktură

- o organizisaripen e godănqo – 1 pùunkto
- i originalitèta -1 pùunkto

E xramosaripnasqi redaktàcia – 2 pùunktură

- vaş e vortografiae règule – 1 pùunkto
- vaş e puntuaciaqe règule – 1 pùunkto